

## Vaanaof ein jannewarie

### Refrein:

Vaanaof ein jannewarie, flöt bijj miech de kenarie,  
Leedsjes euver de vastelaovend, die heer gans vaan boete kin.  
En ouch in fibberwarie, flöt dee zellefde kenarie,  
En heer stop daomèt hiel beslis es 't Asselegoonsdag is.

### Koeplèt:

Geer wèt iech höb 'nne kenarie in hoes,  
Dee flöt zien leedsjes al is niemes thoos.  
Heer zit noe in zie Karnevalsrepertoire,  
En ierlik gezag, nein 't klink gaar neet raar.  
Soms moot heer eve röste, meh daan geit heer weer d'raon.

### Koeplèt:

Heer flöt miene vogel en de her'menie,  
Soms zingk heer e leedsje dat kin iech neet mie.  
't Mieste zingk heer noe e nach is zoe laank,  
En tra-la-la dat maak miech soms kraank.  
Soms moot heer eve röste, meh daan geit heer weer d'raon.

